

總統 馬英九

行政院院長 吳敦義

言百謙

總統令

中華民國98年10月27日

華總二榮字第09800273381號

總統府前國策顧問、陸軍二級上將言百謙，英姿果毅，貞固閑雅。幼承忠孝庭訓，投筆從戎，風雲展志，卒業陸軍軍官學校。紅羊浩劫，歷預抗戰戡亂諸役；政府播遷，丕奠臺澎金馬磐石，鋒鏑浴血，忘身報國。歷任陸軍軍官學校校長、陸軍總部副總司令、三軍大學校長、國防部副部長暨總政治作戰部主任等職，銳意精進校務革新，培植優秀國軍人才；推動國防建軍要務，奠立現代勁旅根基，經略擘畫，覃思遠猷；負山戴嶽，厲精更始。曾獲頒雲麾、寶鼎等多項勳獎章，復膺聘總統府戰略顧問、國策顧問殊榮。綜其生平，請纓黃埔，誓作衛民之干城；勤攄韜鈴，迭樹懋績於蓬島，治兵繕甲，捕天浴日；氣節千秋，萬古賡傳。遽聞耄齡溘逝，軫悼曷勝，應予明令褒揚，用示政府崇禮耆勳之至意。（編者按：言百謙先生生於民國11年1月17日，卒於民國98年10月3日。）

總統 馬英九

行政院院長 吳敦義